

# RÖTSCHPARTY

Text: Annette Fuchs / Musik: Christian Hecker / © 2010 SCHMACKES

## REFRAIN:

**Hej Hej Hej**

**Kumm erus, drusse litt Schnei**

**Un dann rötsche mer erav d'r Mont Klamott**

**Met däm Schlitte odder op d'r blänke Fott**



## 1. STROPHE

Schnell de Moonboots aanjetrocke

Drusse winke decke Flocke

Sujar dä Jrönjödel es wieß

Dä Schlitte met dr Speckschwaat poleet

Domet die Afffaht wupptich weed

Denn hängeblieve es doch fies

Kumm mer stapfe, jevv m'r ding Hand,

he durch et Winterwunderland

Em kahle Baum do schlummert deef dä eetste Sproß

Jetzt dä Bersch eropjejöck

Luuter rude Näsjer em Jlöck

Ov met Reife-odder-Ski-op-dä-Knee-ejal-wie et jeiht loss loss loss

## REFRAIN

## 2. STROPHE

Övver ne Schneiball em Jeseech

En Pelzmadam sich schwer opjerääch

Die Schmink es aff, dä hät jesse

Ne Vatter hät singe Mini-Stropp

jaad noch em letzte Momang jestopp:

„Dä jääle Schnei solls do nit esse...!“

## REFRAIN

## BRIDGE

Un widder weiß mer nit wie lang hä bliev

Denn et Sönnche verdriev singe Liev

Doch wann et schneit, do setz hä Fett aan

Dä kugelrunde Schneimann

## 2 x REFRAIN